

ავტორის სახელი: ინგა

ავტორის გვარი: მოსიძე

ავტორის სახელი ბარათიდან

ავტორის გვარი ბარათიდან

ავტორის პირადი ნომერი ბარათიდან

ავტორის მობილური

ავტორის ელფოსტა

პეტიციის სათაური: „უსინათლო ან/და მცირედ მხედველი ადამიანების უსაფრთხო და ინკლუზიური გარემოს შექმნა“

პეტიციის შინაარსი

ჩვენი ქვეყანა ცდილობს შექმნას ინკლუზიური გარემო, იზრუნოს მოქალაქეთა კეთილდღეობასა და უსაფრთხოებაზე. მიუხედავად ამისა, ქვეყანაში დიდ გამოწვევად რჩება შშმ პირების უსაფრთხო გადაადგილება და ადაპტირებული გარემო. ქვეყანაში ადაპტირებული გარემოს ნაკლებად ხელმისაწვდომობა პირდაპირ არის დაკავშირებული შშმ პირების უფლების განხორციელების შეზღუდვასთან. უსინათლო ან/და მცირედ მხედველ ადამიანებს თანმხლები პირების გარეშე უჭირთ ქუჩაში უსაფრთხოდ გადაადგილება. მათ მცირე ნაწილს უსინათლოთა ხელჯოხები გადაეცა, თუმცა მიუხედავად ამისა ჩვენს ქვეყანაში ტაქტილური ფილები ისე არ არის დამონტაჟებული, რაც ხელს შეუწყობდა მათ უსაფრთხოდ გადაადგილებას. ბევრ უბანასა და ქუჩაზე ეს ფილები დაზიანებულია ან/და საერთოდ არ არის. აღნიშნული გამოწვევის დაძლევა შესაძლებელია სხვადასხვა ღონისძიებების გატარებით: ყურადღება უნდა გამახვილდეს ორიენტაციასა და ბილიკებზე. ტაქტილური ფილები განლაგდეს თანმიმდევრულად ბილიკებზე, რითაც უსინათლოები ან/და მცირედ მხედველები იხელმძღვანელებენ.

სასურველია გამოიკვეთოს საკვანძო ადგილები: საცალაფეხო გადასასვლელები, საზოგადოებრივი ტრანსპორტის სამიმოსვლო გზის მონაკვეთები, კომერციული უბნები, სამთავრობო შენობები და რეკრეაციული სივრცეები; შეიქმნას თანმიმდევრული შაბლონები, ტაქტილური ფილების თანმიმდევრული და ადვილად გასარჩევი ნიმუშები, რათა იოლად შეძლოს ნავიგაცია უსინათლო ან/და მცირედ მხედველმა ადამიანმა.

მონიტორინგი უნდა განხორციელდეს რეგულარულად, დაზიანებული ფილები ჩანაცვლდეს ახლით (სასურველია დაზიანებული ფილები შეინახოს, აუცილებლობის შემთხვევაში, დროებითი გამოყენების მიზნით), რათა უზრუნველყოფილი იყოს უსინათლო ან/და მცირედ მხედველი მოქალაქეების გზაზე უსაფრთხოდ გადაადგილების პროცესი.

საზოგადოების ინფორმირებულობისთვის, პერიოდულად, შესაძლოა მოეწყოს საინფორმაციო კამპანია - „შეიტანე წვლილი თანამოქალაქის უსაფრთხო გადაადგილებაში“, რათა მოქალაქეებმა გააცნობიერონ ტაქტილური ფილების მნიშვნელობა ნერა-კითხვის უცოდინარი, უსინათლო ან/და მცირედ მხედველი ადამიანების უსაფრთხოდ გადაადგილების პროცესში. სხვადასხვა აქტივობებით, შესაძლებელია მოქალაქეების ინფორმირება ტაქტილური ფილების საჯარო სივრცეებში პასუხისმგებლობით გამოყენების თაობაზე.

სსიპ ხელვაჩაურის მუნიციპალიტეტის სოფელ სალიბაურის N1 საჯარო სკოლის სამოქალაქო განათლების კლუბი „თემიდა“ პეტიციის სახით წარმოგიდგენთ ინიციატივას, რაც შეუწყობს ხელს ქვეყანაში შშმ პირების უფლებების განხორციელებას და უსაფრთხო ადაპტირებული გარემოს შექმნას.

